



Broj: 01- 04-21-4-349-1 /23  
Datum: 15.02. 2023.godine

### JAVNI POZIV

#### za izbor banke/banaka – partnera za plasma kreditne linije uz subvencioniranje troškova kamate za kredite odobrene subjektima male privrede sa sjedištem u Općini Travnik

Općina Travnik poziva komercijalne banke da dostave ponudu za obezbjeđenje kreditne linije subjektima male privrede koji imaju sjedište registrovano u Općini Travnik, sa ciljem plasmana kreditnih sredstava uz 100% subvenciju kamatne stope. Sredstva za subvenciju kamatne stope, u skladu sa Odlukom o usvajanju Programa utroška sredstava „Poticaju razvoju privrede“ za 2023. godinu (u daljem tekstu: Odluka), obezbijedena su u Budžetu Općine Travnik za 2023. Godinu u Službi za razvoj, privredu i vanprivredu.

Za ocjenu ponuda primjenjivat će se sljedeći kriteriji:

- visina kreditnih sredstava za kreditnu liniju,
- visina kamatne stope,
- visina troškova obrade kredita i
- predhodno iskustvo banke/banaka u istim i sličnim javnim pozivima

#### I PREDMET POZIVA

Predmet Javnog poziva je dostavljanje ponuda komercijalnih banaka u cilju izbora banke/banaka za plasman kreditnih sredstava uz 100% subvenciju kamatne stope. Broj izabranih banaka za plasman kreditnih sredstava po ovom programu ne može biti veći od 2.

Za provođenje ovog programa, odnosno za subvenciju troškova po osnovu kamatne stope u visini od 2,9% planiran je iznos od ukupno 30.000,00 KM godišnje u narednih 5 godina, a sredstva se obezbjeđuju iz Budžeta Općine Travnik.

#### II USLOVI I KRITERIJI ZA IZBOR BANKE/BANAKA

a) Po ovom programu uslovi i kriteriji za izbor komercijalne banke/banaka za plasman kreditnih sredstava uz 100% subvenciju kamatne stope su sljedeći:

- 1) Odnos kreditnih sredstava koja obezbjeđuje banka i sredstava za subvenciju iz Budžeta Općine Travnik
- 2) Visina kamatne stope
- 3) Visina troškova obrade
- 4) Predhodno iskustvo banke u istim i sličnim javnim pozivima

b) Banka/banke su dužni u ponudi dostaviti sve podatke u skladu sa sva četiri uslova i kriterija za izbor banke koji su navedeni u tački a). U slučaju da banka ponuđač propusti dostaviti ponudu po osnovu svih traženih uslova i kriterija, dostavljena ponuda će biti odbačena.

c) Cijena ponude piše se brojevima i slovima. U slučaju neslaganja iznosa upisanih broјčano i slovima, prednost se daje iznosu upisanom slovima.

d) Posebno se ističe da je kvalifikacioni uslov za daljnje razmatranje dostavljene ponude banke obaveza banke da u dostavljenoj ponudi obavezno i decidno navede iznos sredstava koji će obezbjeđiti za kreditnu liniju za iznos od 30.000,00 KM subvencije kamata.

e) Visina kreditnih sredstava odnosno banke za kreditnu liniju subjektima male privrede utvrđuje se na osnovu dostavljene ponude iz tačke d) ovog poglavlja i utvrđene rang liste odabranih banaka.

f) U slučaju da dvije ili više banaka, nakon ocjenjivanja ponuda ostvare isti broj bodova, prednost u postupku izbora banke imat će ponuda banke čija je veća visina kapitala na dan 31.12.2022. godine.

### III OBAVEZE IZABRANE BANKE

a) Obaveza Banke je da nakon zaključivanja ugovora sa Općinom Travnik i uz njenu saglasnost objavi javni poziv za dodjelu poticajnih kreditnih sredstava, s tim da se prijave sa potrebnom dokumentacijom podnose Banci.

Odobreni kredit po jednom korisniku ograničava se na 200.000,00 KM, sa maksimalnim rokom otplate u zavisnosti od vrste i visine kreditnog zahtjeva od 60 mjeseci. Javni poziv za subjekte male privrede i obrte otvoren je do iskorištenja sredstava namjenjenih za subvenciju odnosno najkasnije do 31.12.2023. godine, uz mogućnost produženja roka u slučaju da se predhodno ne utroše predviđena sredstva za subvencije.

b) Pravo na dodjelu poticajnih kreditnih sredstava uz 100% subvencioniranje kamatne stope ostvaruju subjekti male privrede i obrti definisani Zakonom o privrednim društvima Federacije Bosne i Hercegovine (Službene novine FBiH, broj: 81/15) i Zakonom o obrtu i srodnim djelatnostima Federacije Bosne i Hercegovine (Službene novine FBiH, broj:75/21).

c) Prijem zahtjeva, proces obrade i odobravanje kreditiranja iz sredstava kreditne linije vršit će odabrana banka/banke u roku ne dužem od 30 dana od dana podnošenja zahtjeva.

d) Banka nakon izvršene obrade kreditnog zahtjeva, ukoliko isti zadovoljava uslove kreditne linije, kreditnu politiku i metodologiju Banke, dostavlja Službi za razvoj, privredu i vanprivredu Općine Travnik pisani zahtjev za saglasnost na odobrenje kreditiranja, te uz pismenu saglasnost ove Službe, zaključuje ugovor sa korisnikom najkasnije u roku do 30 dana od dana podnesenog zahtjeva. Banka garantuje za evidenciju odobrenih kreditiranja, za tačnost podataka i informacija prema Općini Travnik.

e) Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita. Banka u cjelosti snosi rizik naplate odobrenih poticajnih kreditnih sredstava – glavnice i pripadajuće kamate.

f) Smanjenje odnosa ugovorenih i odobrenih kreditnih sredstava subjektima male privrede (kranjim korisnicima sredstava) iz kreditne linije i ugovorenih sredstava za subvenciju, nastao kao posljedica smanjenja iznosa kreditnih sredstava, koji je ugovoren sa bankom za plasman kreditnih sredstava može odobriti Općina Travnik ako za smanjenje postoji opravdan razlog Banke.

U slučaju da Općina Travnik ne odobri ovo smanjenje, banka nema pravo aplicirati na naredne javne pozive za izbor banke/banaka za plasman poticajnih sredstava u periodu od tri godine od dana zaključenja ugovora po javnom pozivu koji se odnosi na ovaj program.

g) Prednost prilikom odobrenja kreditnog zahtjeva imaju subjekti koji obezbjeđuju nova radna mjesta o čemu banka dostavlja podatke uz izvještaj nakon urađenog monitoringa.

h) Ova kreditna sredstva ne mogu se koristiti u svrhu otkupa kreditnih obaveza po ranije preuzetim kreditima kod drugih banaka.

i) Banka se obavezuje da će ugovorenu kreditnu liniju i rezultate koje se po istoj ostvaruju, bez naknade promovisati putem elektronskih i printanih medija tokom cijelog trajanja ugovora, te izvještavati Općinu Travnik o namjenskom trošenju kreditnih sredstava u formi koju ugovorom usaglase Općina Travnik i Banka. U skladu sa ugovorom Banka vrši kontinuirani monitoring o namjenskom utrošku sredstava.

#### IV MJESTO I NAČIN PODNOŠENJA PONUDE

Banka ponuđač dostavlja ponudu u originalu u zatvorenoj kovrti na protokol Općine Travnik ili putem pošte. Na prednjoj strani kovrte mora biti navedeno:

Naziv: Općina Travnik – Služba za razvoj, privredu i vanprivredu

Adresa: Konatur bb, 72270 Travnik

Na kovrti obavezno naglasiti: „Ponuda za pružanje bankarskih usluga – NE OTVARAJ“

Na poleđini kovrte obavezno se navodi: naziv podnosioca ponude, adresa i kontakt telefon, te se ovjerava pečatom. Ponuda se čvrsto uvezuje na način da se onemogući naknadno vađenje ili umetanje listova. Stranice u ponudi se označavaju brojem na način da je vidljiv redni broj stranice.

#### V ROK ZA PODNOŠENJE PONUDA NA JAVNI POZIV

Rok za dostavljanje ponuda je 30 dana od dana objave Javnog poziva. Obavještenje o ovom javnom pozivu objavit će se na službenoj web stranici Općine Travnik.

#### VI USLOVI UČEŠĆA

Opća dokumentacija:

- a) Rješenje o registraciji banke kod nadležnog suda u F BiH i Aktuelni izvod iz sudskog registra nadležnog suda u Federaciji Bosne i Hercegovine za banku,
- b) Dokaz o dozvoli za rad (licenca) od Agencije za bankarstvo Federacije BiH,
- c) Certifikat za osiguranje depozita izdat od strane Agencije za bankarstvo Federacije BiH,
- d) Uvjerenje o poreznoj registraciji pravnog lica, izdato od Poreske uprave Federacije BiH,
- e) Uvjerenje o registraciji/upisu pravnog lica u Jedinствeni registar obveznika indirektnih poreza izdato od Uprave za indirektno-neizravno oporezivanje BiH,
- f) Izjava o adekvatnosti kapitala na dan 31.12.2022. godine koja ne smije biti manja od 15%
- g) Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi PIO/MIO i zdravstveno osiguranje izdato od Poreske uprave FBiH, ne starije od tri mjeseca od dana podnošenja ponude,
- h) Uvjerenje nadležnog suda ili organa uprave kod kojeg je ponuđač registrovan kojim se potvrđuje da isti nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini,
- i) Finansijski izvještaji za 2022. Godinu sa iskazanim potrebnim minimalnim iznosom dioničkog kapitala i dobiti nakon oporezivanja na dan 31.12.2022. godine koji uključuju sljedeće: bilans stanja, bilans uspjeha i izvještaj o promjenama u kapitalu,
- j) Izjava u originalu na memorandumu ovjerena i potpisana od ovlaštene osobe o visini kapitala na dan 31.12.2022. godine.
- k) Izjava u originalu na memorandumu, ovjerena i potpisana od ovlaštene osobe ponuđača o tehničkoj opremljenosti i osposobljenosti za izvršenje traženih usluga,

Napomena: Sve fotokopije dokumenata moraju biti ovjerene od strane nadležnog tijela uprave ili notara.

## VII OCJENA I IZBOR PONUDE

- a) Komisiju za izbor banke/banaka rješenjem imenuje Načelnik Općine Travnik.
- b) Komisija, putem nadležne službe, je dužna obavjestiti sve podnosiocce ponuda po ovom javnom pozivu, i to o datumu, vremenu i mjestu javnog otvaranja ponuda na ovaj javni poziv.
- c) Komisija za izbor banke/banaka sačinjava preliminarni prijedlog izabrane banke/banaka za plasman poticajnih kreditnih sredstava, te isti objavljuje na web stranici Općine Travnik i oglasnoj ploči.
- d) Podnosilac ponude, u cilju zaštite svojih prava, može dostaviti pismeni prigovor Općini Travnik, u roku do 8 dana od dana objave preliminarnog prijedloga.
- e) Odmah nakon rješavanja prigovora, Komisija sačinjava prijedlog izabrane banke/banaka za plasman poticajnih kreditnih sredstava.
- f) Na osnovu prijedloga Komisije, Načelnik Općine Travnik donosi odluku o izboru banke/banaka.
- g) U slučaju da se u postupku izbora banaka ne izabere niti jedna banka, može se objaviti novi javni poziv za izbor banke/banaka.

Kriteriji za izbor ponude:

- a) visina sredstava za kreditnu liniju – 30 bodova
- b) visina kamatne stope – 40 bodova
- c) visina troškova za obradu kredita – 20 bodova
- d) iskustvo u predhodnim istim ili sličnim javnim pozivima – 10 bodova

Ugovor se zaključuje sa bankom koja je u skladu sa navedenim uslovima i kriterijima dostavlja ekonomski najpovoljniju ponudu. Sve banke učesnice na javnom pozivu će biti obavještene o odluci i rezultatu postupka izbora banke, u roku do 7 dana od dana donošenja predmetne odluke.

## IX OSTALE ODREDBE

U postupku po ovom Javnom pozivu Općina Travnik ne snosi nikakve troškove učesnika Javnog poziva, te zadržava pravo da poništi Javni poziv, ili da odbaci sve ponude, u bilo koje vrijeme prije zaključenja ugovora. Prispjela dokumentacija se ne vraća podnosiocu ponude.



**NAČELNIK**  
**dr. sci. Kenan Dautović**